

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE**

**Broj: 01-\_\_\_\_\_/25**

\*\*\*\*\*  
**ZAPISNIK  
S DEVETE SJEDNICE  
GRADSKOG VIJEĆA ZENICA  
održane 9. JUNA 2025. godine**  
\*\*\*\*\*

**JUNI, 2025. godine**

**ZAPISNIK S DEVETE SJEDNICE GRADSKOG VIJEĆA ZENICA,  
ODRŽANE 9. 6. 2025. GODINE**

Sjednica je počela s radom u 10.14 sati.

Sjednicom je predsjedavala Snježana Vrhovac, predsjedavajuća Gradskog vijeća Zenica. Nakon uvodnog pozdrava predsjedavajuća Vijeća je svim pripadnicima islamske vjeroispovijesti čestitala Kurban bajram, a zatim pročitala Prijedlog dnevnog reda za današnju 9. sjednicu Gradskog vijeća Zenica kako slijedi:

**Tačka 1. Zapisnik s 8. sjednice Gradskog vijeća Zenica održane 12. 5. 2025. godine**

**Tačka 2. Izvještaj o provedenom javnom konkursu u vezi prodaje garaža putem licitacije koje su u vlasništvu Grada Zenica**

IZVJESTILAC: Enisa Mulić, predsjednica Komisije za provođenje javnog konkursa

**Tačka 3. a) Izvještaj o radu JU „Dom-porodica“ Zenica za 2024. godinu sa Planom poslovanja za 2025. godinu**

**b) Izvještaj o radu Gradske narodne kuhinje Zenica u 2024. godini**

IZVJESTILAC: Halil Arnaut, direktor JU „Dom-porodica“ Zenica

**Tačka 4. Izvještaj o radu JU „Dom zdravlja“ Zenica za 2024. godinu**

IZVJESTILAC: Mersija Kasumović, direktorica JU „Dom zdravlja“ Zenica

**Tačka 5. Izvještaj o radu JU Bosansko narodno pozorište Zenica za 2024. godinu**

IZVJESTILAC: Miroljub Mijatović, direktor JU Bosansko narodno pozorište Zenica

**Tačka 6. Izvještaj o radu JU „Dom za stara lica Zenica“ Zenica za 2024. godinu**

IZVJESTILAC: Sedina Muslić, direktorica JU „Dom za stara lica Zenica“ Zenica

**Tačka 7. Izvještaj o radu JU Apoteka „Zdravlje“ za 2024. godinu**

IZVJESTILAC: Mirsada Strika, direktorica JU Apoteka „Zdravlje“ Zenica

**Tačka 8. Izvještaj o radu JU Predškolski odgoj i obrazovanje Zenica za 2024. godinu**

IZVJESTILAC: Jasmina Gasal, v.d. direktorice JU Predškolski odgoj i obrazovanje  
Zenica

**Tačka 9. Izvještaj o radu JU Muzej grada Zenice za 2024. godinu**

IZVJESTILAC: Adnadin Jašarević, direktor JU Muzej grada Zenice

**Tačka 10. Izvještaj o radu JU Gradska biblioteka Zenica za 2024. godinu**

IZVJESTILAC: Nermin Ormanović, direktor JU Gradska biblioteka Zenica

**Tačka 11. Izvještaj o radu JP za upravljanje i održavanje sportskih objekata d.o.o. Zenica za 2024. godinu**

IZVJESTILAC: Nedim Talić, direktor JP za upravljanje i održavanje sportskih objekata  
d.o.o. Zenica za 2024. godinu

**Tačka 12. a) Izvještaj o poslovanju PD „Regionalna deponija Mošćanica“ d.o.o. Zenica za 2024. godinu**

**b) Prijedlog za povećanje cijene odlaganja komunalnog otpada u  
Privrednom društvu „Regionalna deponija Mošćanica“ d.o.o. Zenica počev**

**Tačka 13. Prijedlog Rješenja o imenovanju Komisije za provođenje postupaka javnih konkursa – nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica**

**Tačka 14. Vijećnička pitanja i inicijative**

Predsjedavajuća Vijeća je upoznala vijećnike da je na sjednici prisutno 18 vijećnika i da Vijeće ima kvorum. Odsustvo sa sjednice najavili su vijećnici Irma Ormanović, Muamer Žunić i Šemso Ormanović, a kašnjenje vijećnici Almir Dračo, Sedina Omeragić i Emina Babić.

Vijećnik Ernad Bešlagić je postavio pitanje koje se odnosilo na mogućnost dobijanja informacija, da li kao tačka dnevnog reda za ovu ili sljedeću sjednicu Vijeća, o potpisanom ugovoru sa Nogometnim savezom vezano za izgradnju nacionalnog stadiona. Predsjedavajuća Vijeća je zamolila resornu službu da isto pripremi za narednu sjednicu Vijeća.

Predsjedavajuća Vijeća je zatim predložila da se Izvještaj o radu JU Muzej grada Zenice za 2024. godinu razmatra odmah iza zapisnika, iz razloga što je direktor JU Muzej grada Zenice povrijeđen. Vijećnici su se izjasnili glasanjem o prijedlogu predsjedavajuće Gradskog vijeća nakon čega je predsjedavajuća Vijeća konstatovala da sa 14 glasova „ZA“, bez glasova „PROTIV“ i 4 glasa „UZDRŽAN“ ovaj prijedlog nije dobio potrebnu većinu.

Vijećnik Denan Pašalić predložio je pojedinačno izjašnjavanje vijećnika. Vijećnici su se pojedinačno izjasnili o prijedlogu predsjedavajuće Vijeća nakon čega je predsjedavajuća Vijeća saopštila da je nakon pojedinačnog glasanja rezultat isti 14 glasova „ZA“, bez glasova „PROTIV“ i 4 glasa „UZDRŽAN“.

Za riječ se javio Gradonačelnik Grada Zenica Fuad Kasumović, a nakon izlaganja Gradonačelnika vijećnik Nermin Mehić, koji je u ime Kluba vijećnika SDP zatražio pauzu u trajanju od 45 minuta. Predsjedavajuća Vijeća je u 10.23 sati dala pauzu do 11.00 sati, pa je sjednica nastavila s radom u 11.11 sati.

Nakon pauze za riječ su se javili vijećnici: Faris Hazić, Halil Garanović, Nihad Durmić, Almir Dračo, Elmira Duvnjak, Ernad Bešlagić i Nermin Mehić. Vijećnik Faris Hazić je između ostalog dao primjedbu da je tačka vijećnička pitanja i inicijative ponovo na posljednjem mjestu, iako je Emina Babić, vijećnica Kluba SDA nekoliko puta tražila da se ta tačka pomjeri na početak dnevnog reda. Predsjedavajuća Vijeća je odgovorila da je njeno diskreciono pravo kao predsjedavajuće Vijeća da vijećnička pitanja i inicijative stavi na koju god hoće tačku i da će tačka vijećnička pitanja i inicijative odsad biti na svakoj sjednici. Vijećnik Faris Hazić je također dao primjedbu vezano za kašnjenje na sjednicama. Gradonačelnik Fuad Kasumović se javio za riječ i kazao da će se odsada član 94. Poslovnika Gradskog vijeća striktno poštovati i da ko god od vijećnika nije na vrijeme došao i bio do kraja na sjednici neće dobiti naknadu za prisustvo sjednici.

Vijećnik Nihad Durmić predložio je da se kao tačka u Prijedlog dnevnog reda uvrsti dodjela zemljišta i objekata Javnoj ustanovi Kantonalna bolnica Zenica bez naknade.

Vijećnik Almir Dračo je dao sugestiju da se ubuduće izvještaji javnih ustanova iz oblasti kulture stave na početak dnevnog reda i da na taj način Vijeće iskaže respekt prema navedenim javnim ustanovama. Također je upoznao prisutne da će zbog prirode posla morati kasniti na sjednice Vijeća jer radi u obrazovanju i ne može uvijek naći zamjenu.

Gradonačelnik Fuad Kasumović je dao usmenu informaciju vezano za sporazum o izgradnji nacionalnog stadiona.

U diskusiji povodom prijedloga vijećnika Nihada Durmića učestvovali su vijećnici Ernad Bešlagić i Nermin Mehić, dok je Gradonačelnik Grada Zenica Fuad Kasumović dao dodatna pojašnjenja.

Pošto je vijećnik Nihad Durmić ostao pri svom prijedlogu za dopunu Prijedloga dnevnog reda, predsjedavajuća Vijeća je isti dala na glasanje. Nakon što su se vijećnici izjasnili glasanjem o

prijedlogu vijećnika Nihada Durmića predsjedavajuća Vijeća je konstatovala da sa 7 glasova „ZA“, 3 glasa „PROTIV“ i 13 glasova „UZDRŽAN“ ovaj prijedlog nije dobio potrebnu većinu. Predsjedavajuća Vijeća je zatim dala na glasanje Prijedlog Dnevnog reda za 9. sjednicu Gradskog vijeća sa izmijenjenim redoslijedom tačaka (tačka 9. pomjerena na redni broj 2.), nakon čega je konstatovala da je sa 22 glasa „ZA“, bez glasova „PROTIV“ i bez glasova „UZDRŽAN“ usvojen dnevni red.

#### **Tačka 1. Zapisnik s 8. sjednice Gradskog vijeća Zenica održane 12. 5. 2025. godine**

Niko se nije javio za diskusiju o ovoj tački dnevnog reda.

Vijećnici su se izjasnili glasanjem o Zapisniku s 8. sjednice Gradskog vijeća Zenica održane 12. 5. 2025. godine, nakon čega je predsjedavajuća Vijeća konstatovala da je jednoglasno usvojen Zapisnik s 8. sjednice Gradskog vijeća Zenica održane 12. 5. 2025. godine.

#### **Tačka 2. Izvještaj o radu JU Muzej grada Zenice za 2024. godinu**

Uvodne napomene za ovu tačku dnevnog reda dao je Adnadin Jašarević, direktor JU Muzej grada Zenice.

U diskusiji o ovoj tački dnevnog reda učestvovali su vijećnici: Almir Dračo, Amra Mehmedić, Nermin Mehić i Namir Škaljo. U diskusiji su učestvovali Fuad Kasumović, Gradonačelnik Grada Zenica i Adnadin Jašarević, direktor JU Muzej grada Zenice, koji je dao dodatno pojašnjenje.

Po zaključenju diskusije vijećnici su se izjasnili glasanjem o Izvještaju o radu JU Muzej grada Zenice za 2024. godinu, nakon čega je predsjedavajuća Vijeća konstatovala da je Izvještaj o radu JU Muzej grada Zenice za 2024. godinu usvojen jednoglasno s 23 glasa „ZA“, bez glasova „PROTIV“ i „UZDRŽAN“.

#### **Tačka 3. Izvještaj o provedenom javnom konkursu u vezi prodaje garaža putem licitacije koje su u vlasništvu Grada Zenica**

Nije bilo potrebe za uvodnim napomenama.

U diskusiji o ovoj tački dnevnog reda učestvovali su vijećnici: Amra Mehmedić, Nihad Durmić, Sedina Omeragić, Elmir Duvnjak, Ernad Bešlagić, Namir Škaljo i Nermin Mehić. Fuad Kasumović, Gradonačelnik Grada Zenica i Selver Keleštura, sekretar Gradske uprave učestvovali su u diskusiji dajući pojašnjenja.

Vijećnica Amra Mehmedić predložila je Vijeću sljedeći

### **Z A K L J U Č A K**

#### **I**

Komisiji za provođenje postupaka javnih konkursa – nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica (u daljem tekstu: Komisija), imenovanoj rješenjima broj: 01-45-12182/23 od 30.05.2023. godine i 01-45-4203/24 od 26.02.2024. godine, daje se saglasnost da okonča Javne konkurse o prodaji garaža koje su u vlasništvu Grada Zenica putem javnog nadmetanja, objavljene dana 14.04.2025. godine i 15.04.2025. godine, u skladu s odredbama Pravilnika o postupku Javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova.

#### **II**

Komisija će Gradskom vijeću podnijeti izvještaj o provedenim postupcima iz tačke I ovog zaključka.

### III

Naknada za rad Komisije utvrđuje se u neto iznosu od 300,00 KM, po 100,00 KM predsjedavajućem i članovima, za svaki okončani javni konkurs – nadmetanje (licitaciju).

### IV

Ovaj zaključak stupa na snagu danom donošenja istog i objavit će se u Službenim novinama Grada Zenica.

Po zaključenju rasprave o ovoj tački dnevnog reda vijećnici su se izjasnili glasanjem o navedenom prijedlogu zaključka vijećnice Amre Mehmedić nakon čega je predsjedavajuća Vijeća konstatovala da je prijedlog zaključka vijećnice Amre Mehmedić usvojen s 22 glasa „ZA“, bez glasova „PROTIV“ i 1 glasom „UZDRŽAN“. Vijećnici su zatim glasali o Izvještaju o provedenom javnom konkursu u vezi prodaje garaža putem licitacije koje su u vlasništvu Grada Zenica, nakon čega je predsjedavajuća Vijeća konstatovala da je sa 16 glasova „ZA“, bez glasova „PROTIV“ i 7 glasova „UZDRŽAN“ usvojen Izvještaj o provedenom javnom konkursu u vezi prodaje garaža putem licitacije koje su u vlasništvu Grada Zenica.

**Tačka 4. a) Izvještaj o radu JU „Dom-porodica“ Zenica za 2024. godinu sa Planom poslovanja za 2025. godinu**  
**b) Izvještaj o radu Gradske narodne kuhinje Zenica u 2024. godini**

Uvodne napomene za ovu tačku dnevnog reda dao je Halil Arnaut, direktor JU „Dom-porodica“ Zenica.

U diskusiji o ovoj tački dnevnog reda učestvovali su vijećnici: Faris Hazić, Nermin Mehić, Amra Mehmedić i Halil Garanović. U diskusiji su također učestvovali Fuad Kasumović, Gradonačelnik Grada Zenica i Halil Arnaut, direktor JU „Dom-porodica“ Zenica.

Po zaključenju diskusije vijećnici su se izjasnili glasanjem o Izvještaju o radu JU „Dom-porodica“ Zenica za 2024. godinu sa Planom poslovanja za 2025. godinu nakon čega je predsjedavajuća Vijeća konstatovala da je s 23 glasa „ZA“, bez glasova „PROTIV“ i bez glasova „UZDRŽAN“ usvojen Izvještaj o radu JU „Dom-porodica“ Zenica za 2024. godinu sa Planom poslovanja za 2025. godinu. Vijećnici su zatim glasali o Izvještaju o radu Gradske narodne kuhinje Zenica u 2024. godini nakon čega je predsjedavajuća Vijeća konstatovala da je sa 22 glasa „ZA“, bez glasova „PROTIV“ i bez glasova „UZDRŽAN“ usvojen Izvještaj o radu Gradske narodne kuhinje Zenica u 2024. godini.

**Tačka 5. Izvještaj o radu JU „Dom zdravlja“ Zenica za 2024. godinu**

Uvodne napomene za ovu tačku dnevnog reda dala je Mersija Kasumović, direktorica JU „Dom zdravlja“ Zenica.

U diskusiji o ovoj tački dnevnog reda učestvovali su vijećnici: Faris Hazić, Nermin Mehić, Semir Huseinović, Halil Garanović, Sead Bolić, Amra Mehmedić i Almir Dračo. U raspravi su učestvovali Fuad Kasumović, Gradonačelnik Grada Zenica i Mersija Kasumović, direktorica JU „Dom zdravlja“ Zenica dajući pojašnjenja i odgovore na postavljena pitanja vijećnika učesnika u raspravi. Po zaključenju rasprave vijećnici su se izjasnili glasanjem o Izvještaju o radu JU „Dom zdravlja“ Zenica za 2024. godinu, nakon čega je predsjedavajuća Vijeća konstatovala da je sa 16 glasova „ZA“, 6 glasova „PROTIV“ i bez glasova „UZDRŽAN“ usvojen Izvještaj o radu JU „Dom zdravlja“ Zenica za 2024. godinu.

Predsjedavajuća Vijeća je u 13.37 sati dala pauzu u trajanju od sat vremena i najavila nastavak sjednice u 14.30 sati. Sjednica je nastavila s radom u 14.46 sati.

#### **Tačka 6. Izvještaj o radu JU Bosansko narodno pozorište Zenica za 2024. godinu**

Uvodne napomene za ovu tačku dnevnog reda dao je Elvir Škiljo, u svojstvu predstavnika JU Bosansko narodno pozorište Zenica, iz razloga odsustva Miroljuba Mijatovića, direktora JU Bosansko narodno pozorište zbog službenog putovanja.

U raspravi o ovoj tački dnevnog reda učestvovali su vijećnici Ernad Bešlagić i Namir Škaljo.

Po zaključenju rasprave vijećnici su se izjasnili glasanjem o Izvještaju o radu JU Bosansko narodno pozorište Zenica za 2024. godinu nakon čega je predsjedavajuća Vijeća konstatovala da je sa 20 glasova „ZA“, bez glasova „PROTIV“ i bez glasova „UZDRŽAN“ usvojen Izvještaj o radu JU Bosansko narodno pozorište Zenica za 2024. godinu.

#### **Tačka 7. Izvještaj o radu JU „Dom za stara lica Zenica“ Zenica za 2024. godinu**

Uvodne napomene za ovu tačku dnevnog reda dala je Sedina Muslić, direktorica JU „Dom za stara lica Zenica“ Zenica.

U raspravi o ovoj tački dnevnog reda učestvovali su vijećnici Faris Hazić i Almir Dračo. Sedina Muslić, direktorica JU „Dom za stara lica Zenica“ Zenica odgovorila je na postavljena pitanja vijećnika učesnika u raspravi.

Po zaključenju rasprave vijećnici su se izjasnili glasanjem o Izvještaju o radu JU „Dom za stara lica Zenica“ Zenica za 2024. godinu nakon čega je predsjedavajuća Vijeća konstatovala da sa 15 glasova „ZA“, 6 glasova „PROTIV“ i bez glasova „UZDRŽAN“ Izvještaj o radu JU „Dom za stara lica Zenica“ Zenica za 2024. godinu nije usvojen.

#### **Tačka 8. Izvještaj o radu JU Apoteka „Zdravlje“ Zenica za 2024. godinu**

Uvodne napomene za ovu tačku dnevnog reda dala je Mirsada Strika, direktorica JU Apoteka „Zdravlje“ Zenica.

U raspravi o ovoj tački dnevnog reda učestvovali su vijećnici Faris Hazić i Almir Dračo. Fuad Kasumović, Gradonačelnik Grada Zenica učestvovao je u raspravi dajući pojašnjenja.

Na prijedlog vijećnika Farisa Hazića, Klub vijećnika SDA predsjedavajuća Vijeća je u 15.20 sati dala pauzu i najavila nastavak sjednice u 15.30, pa je sjednica nastavila s radom u 15.31 sati.

Vijećnik Faris Hazić je u ime Kluba vijećnika SDA predložio zaključak: „Da se na ime interventnih sredstava u svrhu otplate duga prema Poreznoj upravi u iznosu od 350.000,00 KM odobre sredstva iz Budžeta Grada Zenica kako ne bi došlo do blokiranja računa JU Apoteke Zenica do konačnog rješenja statusa ustanove. Za provođenje zaključka zadužuje se Služba za finansije Grada Zenica, Gradonačelnik Grada Zenica kroz planiranje Rebalansa Budžeta Grada za 2025. godinu“.

Po zaključenju rasprave vijećnici su se izjasnili glasanjem o navedenom prijedlogu zaključka vijećnika Farisa Hazića nakon čega je predsjedavajuća Vijeća konstatovala da sa 7 glasova „ZA“, 11 glasova „PROTIV“ i 5 glasova „UZDRŽAN“ zaključak nije dobio potrebnu većinu.

Vijećnici su se zatim izjasnili glasanjem o Izvještaju o radu JU Apoteka „Zdravlje“ Zenica za 2024. godinu nakon čega je predsjedavajuća Vijeća konstatovala da sa 12 glasova „ZA“, bez glasova „PROTIV“ i 11 glasova „UZDRŽAN“ nije usvojen Izvještaj o radu JU Apoteka „Zdravlje“ Zenica za 2024. godinu.

#### **Tačka 9. Izvještaj o radu JU Predškolski odgoj i obrazovanje Zenica za 2024. godinu**

Uvodne napomene za ovu tačku dnevnog reda dala je Jasmina Gasal, v.d. direktorice JU Predškolski odgoj i obrazovanje Zenica za 2024. godinu.

U raspravi o ovoj tački dnevnog reda učestvovali su vijećnici: Denan Pašalić, Ernad Bešlagić, Sedina Omeragić, Halil Garanović, Semir Huseinović, Amra Mehmedić, Almir Dračo i Nermin Mehić. Fuad Kasumović, Gradonačelnik Grada Zenica učestvovao je u raspravi dajući pojašnjenja. Po zaključenju rasprave vijećnici su se izjasnili glasanjem o Izvještaju o radu JU Predškolski odgoj i obrazovanje Zenica za 2024. godinu nakon čega je predsjedavajuća Vijeća konstatovala da sa 2 glasa „ZA“, 2 glasa „PROTIV“ i 18 glasova „UZDRŽAN“ nije usvojen Izvještaj o radu JU Predškolski odgoj i obrazovanje Zenica za 2024. godinu.

#### **Tačka 10. Izvještaj o radu JU Gradska biblioteka Zenica za 2024. godinu**

Uvodne napomene za ovu tačku dnevnog reda dao je Nermin Ormanović, direktor Gradske biblioteke Zenica.

U raspravi niko nije učestvovao.

Vijećnici su se izjasnili glasanjem o Izvještaju o radu JU Gradska biblioteka Zenica za 2024. godinu nakon čega je predsjedavajuća Vijeća konstatovala da je sa 17 glasova, bez glasova „PROTIV“ i bez glasova „UZDRŽAN“ usvojen Izvještaj o radu JU Gradska biblioteka Zenica za 2024. godinu.

Predsjedavajuća Vijeća je u 16.31 sati dala pauzu i najavila nastavak sjednice u 16.40 sati, pa je sjednica nastavila s radom u 16.46 sati.

#### **Tačka 11. Izvještaj o radu JP za upravljanje i održavanje sportskih objekata d.o.o. Zenica za 2024. godinu**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Ernad Bešlagić, Namir Škaljo, Amra Mehmedić, Nermin Mehić, Denan Pašalić i Snježana Vrhovac, predsjedavajuća Vijeća.

Po zaključenju rasprave vijećnici su se izjasnili glasanjem o Izvještaju o radu JP za upravljanje i održavanje sportskih objekata d.o.o. Zenica za 2024. godinu nakon čega je predsjedavajuća Vijeća konstatovala da je sa 16 glasova „ZA“, 5 glasova „PROTIV“ i bez glasova „UZDRŽAN“ usvojen Izvještaj o radu JP za upravljanje i održavanje sportskih objekata d.o.o. Zenica za 2024. godinu.

Zaključeno je da će odgovori na postavljena pitanja vijećnika učesnika u raspravi biti dostavljeni u pisanoj formi.

#### **Tačka 12. a) Izvještaj o poslovanju PD „Regionalna deponija Mošćanica“ d.o.o. Zenica za 2024. godinu**

##### **b) Prijedlog za povećanje cijene odlaganja komunalnog otpada u Privrednom društvu „Regionalna deponija Mošćanica“ d.o.o. Zenica počev od 01.01.2026. godine**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Nermin Mehić, Namir Škaljo, Ernad Bešlagić, Faris Hazić i Elmir Duvnjak. U raspravi su učestvovali Mia Pojskić, direktorica PD „RDM“ d.o.o. Zenica i Selver Keleštura, u svojstvu predsjednika NO PD „RDM“ d.o.o. Zenica dajući određena pojašnjenja i odgovore na postavljena pitanja vijećnika učesnika u raspravi.

Prije izjašnjavanja vijećnika o ovoj tački dnevnog reda, a na prijedlog Amre Mehmedić, predsjednice Kluba BHI – Kasumović Fuad, predsjedavajuća Vijeća Snježana Vrhovac je u 17.53 dala pauzu u trajanju od pet minuta i najavila nastavak sjednice u 18.00 sati. Sjednica je nastavila sa radom u 18.06 sati.

Nakon pauze predsjedavajuća Vijeća je pročitala prijedlog zaključka vijećnika Namira Škalje koji glasi: „Zbog činjenice da je Privredno društvo Regionalna deponija Mošćanica d.o.o. Zenica redovni aplikant na javne pozive za dodjelu grant sredstava, te da je uslov za učešće i prihvatanje aplikacije na istim sufinansiranje projekata vlastitim sredstvima u procentu od 60% od ukupne

vrijednosti projekta, te da ovo privredno društvo u 2025. godini i narednim godinama očekuju investicije ukupne vrijednosti od cca 9.300.000 KM, stav Gradskog vijeća Zenica je da se sav iznos ostvarene dobiti u 2024. godini rasporedi kao neraspoređena, akumulirana dobit.“ Vijećnici su se izjasnili glasanjem o navedenom prijedlogu zaključka. Predsjedavajuća Vijeća je konstatovala da sa 6 glasova „ZA“, 4 glasa „PROTIV“ i 11 glasova „UZDRŽAN“ ovaj zaključak nije dobio potrebnu većinu.

Vijećnici su se zatim izjasnili glasanjem o Izvješčaju o poslovanju Privrednog društva „Regionalna deponija Mošćanica“ d.o.o. Zenica za 2024. godinu nakon čega je predsjedavajuća Vijeća konstatovala da sa 15 glasova „ZA“, 6 glasova „PROTIV“ i bez glasova „UZDRŽAN“ nije usvojen Izvješčaj o poslovanju Privrednog društva „Regionalna deponija Mošćanica“ d.o.o. Zenica za 2024. godinu. Vijećnici su se zatim izjasnili glasanjem o Prijedlogu za povećanje cijene odlaganja komunalnog otpada u Privrednom društvu „Regionalna deponija Mošćanica“ d.o.o. Zenica počev od 01.01.2026. godine. Predsjedavajuća Vijeća Snježana Vrhovac konstatovala je da sa 14 glasova „ZA“, 6 glasova „PROTIV“ i 1 glasom „UZDRŽAN“ nije usvojen Prijedlog za povećanje cijene odlaganja komunalnog otpada u Privrednom društvu „Regionalna deponija Mošćanica“ d.o.o. Zenica počev od 01.01.2026. godine.

### **Tačka 13. Prijedlog Rješenja o imenovanju Komisije za provođenje postupaka javnih konkursa – nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica**

Nije bilo potrebe za uvodnim napomenama.

U raspravi niko nije učestvovao.

Vijećnici su se izjasnili glasanjem o Prijedlogu Rješenja o imenovanju Komisije za provođenje postupaka javnih konkursa – nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica nakon čega je predsjedavajuća Vijeća konstatovala da sa 15 glasova „ZA“, bez glasova „PROTIV“ i 6 glasova „UZDRŽAN“ nije usvojen Prijedlog Rješenja o imenovanju Komisije za provođenje postupaka javnih konkursa – nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica.

### **Tačka 14. Vijećnička pitanja i inicijative**

**Vijećnička pitanja su postavili i vijećničke inicijative podnijeli vijećnici: Almir Dračo, Amra Mehmedić, Faris Hazić, Namir Škaljo, Ernad Bešlagić, Denan Pašalić, Halil Garanović i Fadil Arnaut.**

Vijećnik **Almir Dračo** je u ime mještana naselja Hamida (MZ „Novo Radakovo“), mještana MZ „Janjići“ i mještana MZ „Donja Gračanica“ podnio vijećničku inicijativu Komisiji za sigurnost saobraćaja za postavljanje usporivača saobraćajnog toka „ležećih policajaca“ na sljedećim lokacijama:

a) naselje Hamida (ulica Hamida i ulica Margita)

b) MZ „Donja Gračanica“ (ulica Vrandučka kod brojeva 122, 123 i 124)

c) MZ „Janjići“ (ulica Janjički slapovi paralelno sa magistralnim putem M-17)

Vijećnica **Amra Mehmedić** je podnijela inicijativu za uređenje prostora oko Muzeja s ciljem sanacije i zaštite javne površine koja je trenutno devastirana usljed nepropisnog parkiranja motornih vozila.

Vijećnik **Faris Hazić** podnio je vijećničku inicijativu JP za upravljanje i održavanje sportskih objekata d.o.o. Zenica za rekonstrukciju i popravku travnjaka na nogometnom terenu „B“ na Kamberovića polju i vijećničku inicijativu Kantonalnoj direkciji za ceste Zeničko-dobojskog



kantona za postavljanje ležećeg policajca na dijelu Gradske glavne magistrale na adresi Sarajevska br. 20 – kod Medicoma.

Vijećnik **Namir Škaljo** podnio je vijećničku inicijativu za izgradnju rasvjete i asfaltiranje gornjim slojem asfalta isključenja sa petlje u Blatuši za ulazak u naselje Blatuša i vijećničku inicijativu da se na parceli broj 48 KO Zenica-Zenica I koja se nalazi neposredno uz džamiju u Blatuši izvrši nasipanje šljunka i poravnavanje površine koja bi privremeno služila kao mjesto za parkiranje automobila stanovnika MZ „Blatuša“, te postavio vijećničko pitanje Stručnoj službi Gradskog vijeća koje glasi: „Zašto Gradsko vijeće Zenica nije na dosadašnjih 9 (devet) sjednica Gradskog vijeća razmatralo izvještaj o radu Gradskog vijeća Zenica za 2024. godinu?

Vijećnik **Ernad Bešliagić** postavio je vijećničko pitanje koje glasi: „Zašto u 2024. godini nije donesena nova Odluka o provođenju socijalne zaštite i zaštite porodice sa djecom, kako je to bilo planirano u Programu rada Gradskog vijeća za 2024. godinu?

Vijećnik **Denan Pašalić** usmeno je podnio vijećničku inicijativu Komisiji za sigurnost saobraćaja za postavljanje ležećih policajaca ili vibro traka u ulici Crkvice, na potezu od kina Crkvice, Academia kafea i Ekor-komerca pa prema Studentskom domu.

Vijećnik **Halil Garanović** podnio je vijećničku inicijativu Službi za vodoprivredu, putnu infrastrukturu i mjesne zajednice za sanaciju (betoniranje) puta u MZ „Vranduk“, zaselak Višegrad, a na inicijativu mještana.

Vijećnik **Fadil Arnaut** je u pisanoj formi podnio vijećničku inicijativu za asfaltiranje kraka ulice u centralnom dijelu MZ „Drugavci“ (Babino) i vijećničku inicijativu za sanaciju i popravku rasvjete na Jalijskom i Bilinopoljskom mostu u gradu Zenica, te postavio vijećničko pitanje koje glasi: „Koje su procedure za donošenje pravilnika ili odluke na nivou Grada Zenica kojom bi se regulisalo postavljanje većih klima uređaja privrednih subjekata na zgradama kolektivnog stanovanja? Da li Grad Zenica planira usvojiti akt kojim bi se zahtijevalo da se ovakvi uređaji (koji često dolaze u većem broju) postavljaju na tlo pored objekta, uz odgovarajuću zaštitu (npr. metalna ograda, bravarija), a ne na fasade zgrada – u ciju očuvanja mira i kvaliteta života stanara?

Predsjedavajuća Vijeća je upoznala vijećnike koji su ostali do kraja sjednice da će 10. sjednica, koja je zakazana za 16. juni sa početkom u 10.00 sati, početi u 11.00 sati.

Sjednica je zaključena i završila s radom u 18.23 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća i evidencija o napuštanju sjednice i vraćanju vijećnika na 10. sjednicu Gradskog vijeća.

PREDSJEDAVAJUĆA  
GRADSKOG VIJEĆA  
Snježana Vrhovac

**Evidencija o napuštanju sjednice i vraćanju vijećnika na 10. sjednicu Gradskog vijeća,  
održanu 09.06.2025. godine**

<b>Rb</b>	<b>Vijećnik</b>	<b>Napuštanje sjednice</b>	<b>Vraćanje na sjednicu</b>
1.	Amra Mehmedić	12.34 16.21	12.38 16.21
2.	Vehida Ahmetspahić		
3.	Almir Dračo	12.56	12.59
4.	Halil Arnaut	11.34 12.54 13.37 (pauza na sjednici od sat vremena) nastavak u 14.46 18.12	11.34 12.56 15.04
5.	Denan Pašalić	12.35 17.52	12.39 18.05
6.	Snježana Vrhovac		
7.	Mirza Husetić	12.36 16.28 17.17	12.41 16.42
8.	Hadis Aščerić	13.37 (pauza na sjednici od sat vremena) nastavljena u 14.46 18.12	15.04
9.	Sedina Omeragić		
10.	Semir Huseinović	12.22	12.23
11.	Mirzet Skopljak	12.55 16.21	12.57 16.22

		18.12	
12.	Faruk Hodžić		
13.	Malik Ejubović		
14.	Halil Garanović	13.15 16.29 17.31	13.36 16.42 17.40
15.	Zelda Dizdarević	12.54  13.37 (pauza na sjednici od sat vremena) nastavljena u 14.46  16.27	13.21  15.14
16.	Emina Babić		
17.	Faris Hazić	12.15 12.20 16.26	12.17 12.21 17.08
18.	Namir Škaljo	16.20 17.17	16.22 17.18
19.	Sead Bolić	18.12	
20.	Samra Arnaut		
21.	Irma Ormanović		
22.	Nihad Durmić		
23.	Elvis Alijagić		
24.	Nermin Mehić	12.08 12.35 15.05 16.27 17.08 17.26 17.52 18.11	12.15 12.39 15.15 16.42 17.11 17.29 18.05
25.	Amel Šišić		

26.	Elmir Duvnjak	12.09	12.15
		13.36	13.38
		16.14	16.19
27.	Muamer Žunić		
28.	Ernad Bešliagić		
29.	Šemso Ormanović		
30.	Fadil Arnaut		
31.	Almir Hrnjić	12.35	12.39
		16.27	16.40
		18.12	